



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

14. An etiam Vagabundis?

**urn:nbn:de:hbz:466:1-41077**

foli notum, quia cum iudex sit, nequit esse testis, vnde impedimentum nullo modo probari potest. Secus autem de parcho, qui cum non sit iudex, potest de impedimento testimonium perhibere.

## QVÆSTIO XIV.

*An etiam Vagabundis?*

Quaestiois explicatio.

**V**etat Concilium Tridentinum, ne pastores matrimoniis vagantium interfint, nisi prius diligentem inquisitionem fecerint, num canonicum subsit impedimentum, & imprimis, an priore vxore relicta aliam & forte plures illa viuente in diuersis locis duxerint. Huius occasione quaeritur, si vagabundi concubinarij in parochia peste corripiantur, an tenebitur parochus illorum matrimoniis interesse, & solemnitates à Concilio pro huiusmodi hominibus praescriptas, obseruare?

*Responsio.*

**T**enebitur interesse, & si tempus permittat dictas solemnitates obseruare. Prior pars probatur, quia is tenetur vagabundorum matrimoniis interesse, qui te-

Li 5     nerur



506 DE NECES. ET MOD. MINIST.  
netur alia sacramenta ministrare, vt Penitentiæ, Eucharistiæ, Extremæ Vnctionis, præsertim cum credantur esse ad salutem necessaria. Altera probatur, quia ita præcipit Concilium Tridentinum, estque res grauissima & maxime necessaria.

Addo (*si tempus permittat*) quia si alter concubinarius peste infectus putetur iam moriturus, & asserit se matrimonium salutis suæ spiritualis causa contrahere velle, poterit parochus facta per se diligentia, quantum tempus patitur, illos matrimonio coniungere, quia in huiusmodi casu, sufficit adhibere substantialia: diligens autem inquisitio & licentia Ordinarii, non sunt de substantia matrimonii,

Dices: Valetne ergo matrimonium vagorum sic contractum extra necessitatem, non præmissa dicta diligentia, nec ordinarii licentia petita?

R. Valet, quia ad matrimonii essentiam tantum desideratur præsentia parochi & duorum testium: siquidem ad eundem finem exigitur hæc diligentia pro vagabundis, ad quem in eodem Concilio Tridentino petuntur denunciations pro indigenis: sed his omissis valet matrimonium, vt patet ex ipso Concilio; ergo & omissa illa diligentia.

Deinde



Deinde Concilium non prohibet absolute matrimonium absque dicta licentia, sed præcipit parochis, ut diligentiam præmittant, licentiamque petant: Ergo eius omisio culpa erit, graui quidem pæna digna: suspenditur enim parochus ob illam ab officio suo ad triennium, non tamen vitabit matrimonium.

### QVÆSTIO XV.

*An etiam illis, qui ad contagionem vitandam ex parochia, in qua est promulgatum decretum Concilij Tridentini, matrimonia clandestina irritans, fugerunt in externam parochiam, in qua illud non est promulgatum?*

#### Questionis explicatio.

**M**atrimonia clandestina valida sunt in iis locis, in quibus Decretum Concilij Tridentini illa annullans non est promulgatum, ut patet ex ipso (a) Concilio: Imo valida sunt, si illud quidem promulgatum fuit, sed non receptum, vel prædicatum, & lapsi sunt decem anni, secundum communem (b) Theologorum.

Quinimo

*a Sess. 24. de  
matrim. c. 1.  
in fine.*

*b c. 1. de reu-  
ga & pace*